



UKA 2020/77

16. marts 2020

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Ukiumoortumik akileraartarnermut allagartamut nassiussinermi ilanngussatut akileraarutit procentinngorlugit kommuneni Namminersorlutillu Oqartussat ataani susassa qarfinnut sorlernut tamakkiisumik aningaasartuutit procentinngorlugit takussutissaqalernissaat pillugu Naalakkersuisut peqquneqarnissaannut Inatsisartut aalajangiiffigisassaattut siunnersuut.

(Inatsisartunut ilaasorta q Aqqalu C. Jerimiassen, Atassut)

Tungavilersuut

Avannaata Kommuniani akileraarut 44%-iuvoq, aap, tamanna nalunngilara, tassungali killippoq, peqqutigalugu kingorna naluittaratsigu akileraarutitta sumut ingerlaneri. Uanga nammineq akileraartartutut takusinnaarusuppara akileraarutimma sumut siunnerfilimmik atornerqarneri, ajornangippallaaqaarmi maanna inissisimaneq oqaannartarluni "ima annertutigisumik ukioq manna akileraarsimavutit", nalulluinnarluguli taakku sumut ingerlasimanersut.

Inuup kialluunniit paasisinnaasariaqarparaa aningaasarsiami akileraarutai sumut atornerqartarnerisut. Takusinnaarususuppara ukiup naanerani akileraarutigisimasanni akileraarutima Peqqinnissaqarfimmu, Atuarfeqarfimmu, Inunnik isumaginninnermut, inuussutissarsiuutini siusaanerimut, sanaartornermut il.il qanoq annertutigisut atornerqarsimaneri.

Isumaqarpugummi inuup akileraarutini annerusumik sumut atornerqartarnerisut paasisimasaqarfigilerunigit piunassutsumut sulerusussutsumullu qaffassaaqataasinnaasoq, inuiaqatigiinnilu oqallinnermi isummorsinnaanerulissasoq. Naatsumik oqaatigalugu, qanoq pilliuteqartiginerput sumullu atorsimanersut paasisariaqarparput.

Politikkerit tatigiinnarsinnaavagut aningaasaativut qanoq atussaneraat. Immaqaluunniit takussutissanngamik paasinartumik piunasaqarsinnaavagut. Finanslov akileraartartuutit atuaruorneqarneq ajormat, takorloorparput naatsumik quppernerup ataatsip iluani susassa qarfinnut annerusunut procentinngorlugu aningaasat qanoq agguataarneqarsimanersut takussutaalissasoq.

Aningaasatigut ingerlatsinikkullu pisortanut kingunerisassai:

Qulequtaasumi ersersinneqarpoq paasisutissat pisariaqarsinnaasut kommunet Namminersorlutillu Oqartussat missingersuutaanniit ujartorneqartassasut. Qulequtaasumilu kissaatigineqarpoq taakku paasisutissat tabelitut ilusilerlugit saqqummiunneqartassasut paasinartumik. Qarasaasiakkut sytsemit tulluarsarneqarnissaat pisariaqartussaassaaq. Taamatut allannguinissamut suliassartaa nalilerneqarpoq AC Fuldmægtigep ukiup affaanik siviututigisumik suliarineqassasoq. Aningaasartuutillu kommunet peqatigalugit agguarlugu akilerneqassasoq.

Namminersortunut aningaasarsiornikkut allaffissornikkullu kingunerisassai:

Soqanngilaq.

Innuttaasunut aningaasarsiornikkut allaffissornikkullu kingunerisassai:

Soqanngilaq.

